

德清縣續誌卷之七

治行志 令佐 教職

自康熙初至今百數十年治茲土者因時為政或修廢舉墜或潔己愛民未嘗不各有可紀顧年代遼隔見聞散落所傳者遂止此若其人見存者輿誦可憑無假筆墨故不復及云

王廷諫字念莪山西翼城人為政能舉廢墜常修學宮築城堞城樓盤詰廳濬縣河新城隍廟廓關聖廟其課士亦有法康熙二十七年內陞行人司行人

劉衍均四川涪州人值連歲水旱閭閻艱苦不忍催科遂以民欠過多被劾民間亟盡力完納而衍均已罷職矣貧不能返蜀寄居察院廢

德清縣續誌 卷之七

治行志

署與士子談經史評文講學閱十餘載始得歸

唐執玉字益公江南武進人康熙二十八年進士減耗羨訪豪惡明于聽訟蠡山茅山田多沒於水築塘捍之而以積欠均攤屆編審令有田無糧者俱自首納糧免罪無田有糧者鄰保具狀為豁額民蒙其惠五十三年擢工部主事晉給事中官至左都御史署直隸總督卒於任年六十八 國史有傳

錢學洙字魯齋南淮人先署事後實授勤於其職修築橋梁建留嬰堂修邑乘未及成調仁和以去

李方榕廣東保昌人乾隆丙辰進士廉明有聲建清溪書院朔望課士諄諄誨勵聽斷平允不能欺以奸解組時邑人流涕送之



查克薩漢軍鑲黃旗人勤而愛民遇水災詳請給賑捐資散粟民賴以安調任秀水父老遮道不忍舍

范承宣如皋人乾隆壬戌進士性仁厚為政和平蒞任七月而罷囊橐蕭然乘野航歸里

阮芝生字紫坪山陽人乾隆丁丑進士武康凝紫山俗為銀子有奸人請開礦芝生奉巡撫檄往勘不入山赴府白太守陳其不便於民事得已邑城下水門久圯三十三年督修甚固升東路同知去

興德正藍旗人乾隆丙子舉人為令時湖屬被水流亾載道為設法平糶并勸紳士捐施積穀設厰煮粥察胥吏無所擾飢民實受其惠升烏鎮同知去

德清縣續志 卷之七

治行志

二

張士楹字為柱松滋人明察以斷讞獄平允卓異升西海防同知去後任山西澤州府知府卒

右令佐

教諭孟士模沈時鄭煜三人者並儒雅善訓生鄭同時訓導某病卒鄭為經紀其喪厚遺其子使扶櫬歸人尤稱之孟沈皆嘗修葺學宮云

嵇奎光字日華仁和人任訓導敏而有才習吏事捐俸葺文廟建文昌祠嘉慶元年以病去官

劉諧字變石濱州人乾隆庚子副貢性廉明以留嬰堂養濟院日圮捐貲修理增置牀葺葺民稱仁焉織簾祠半月泉及他古蹟皆佐邑令修葺之兩署令有聲以疾卒



右教職佐貳

德清縣續志 卷之七

治行志

三

德清縣續志卷之七終

